



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻ ՆԱԽԱՐԱՐ
ՀՐԱՄԱՆ

No 271-Ն/2

«26» փետրվարի 2024 թ.

2024 ԹՎԱԿԱՆԻՆ ԱՆՑԿԱՑՎՈՂ «ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏԻ ԳԱՎԱԹ» ԽՃՈՒՂԱՎԱՋՔԻ ՍԻՐՈՂԱԿԱՆ ՄՐՑԱՇԱՐԻ ԿԱՆՈՆԱԿԱՐԳԸ
ԵՎ ՄԱՍՆԱԿՑՈՒԹՅԱՆ ՀԱՅՏԻ ՕՐԻՆԱԿԵԼԻ ՁԵՎԸ ՀԱՍՏԱՏԵԼՈՒ ՄԱՍԻՆ

Համաձայն «Ֆիզիկական կուլտուրայի և սպորտի մասին» օրենքի 9-րդ հոդվածի «ա»,
«գ» և «Ժ.1» կետերի՝

ՀՐԱՄԱՅՈՒՄ ԵՄ

1. Հաստատել 2024 թվականին անցկացվող «Հայաստանի Հանրապետության
վարչապետի գավաթ» խճուղավազքի սիրողական մրցաշարի կանոնակարգը և
մասնակցության հայտի օրինակելի ձևը՝ համաձայն համապատասխանաբար հավելված №
1-ի և հավելված № 2-ի:

2/26/2024



ԺԱՆՆԱ ԱՆԴՐԵԱՅԱՆ

ՆԱԽԱՐԱՐ

Signed by: ANDREASYAN ZHANNA 6402810169

Ժ. ԱՆԴՐԵԱՅԱՆ

ԿԱՆՈՆԱԿԱՐԳ

2024 ԹՎԱԿԱՆԻՆ ԱՆՑԿԱՑՎՈՂ «ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏԻ ԳԱՎԱԹ» ԽՃՈՒՂԱՎԱՋՔԻ ՍԻՐՈՂԱԿԱՆ ՄՐՑԱՇԱՐԻ

I. ՆՊԱՏԱԿԸ ԵՎ ԽՆԴԻՐՆԵՐԸ

1. 2024 թվականին անցկացվող խճուղավազքի սիրողական մրցաշարի (այսուհետ՝ Մրցաշար) նպատակն է՝

- 1) հանրապետությունում խճուղավազքի և առողջ ապրելակերպի մասսայականացում,
 - 2) բնակչության շրջանում ֆիզկուլտուրայի և սպորտի քարոզչության ապահովում:
2. Խնդիրներն են՝ բնակչության զանգվածային մարզական միջոցառումներին հետագա մասնակցության ապահովումը:

II. ԿԱԶՄԱԿԵՐՊՈՒՄՆ ՈՒ ԱՆՑԿԱՑՈՒՄԸ

3. Մրցաշարի նախապատրաստման և անցկացման աշխատանքները համակարգում է Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ Նախարարություն):

4. Մրցաշարը կազմակերպում ու անցկացնում է Հայաստանի Հանրապետության կրթության, գիտության, մշակույթի և սպորտի նախարարի հրամանով ստեղծված հանձնաժողովը և «Հայաստանի աթլետիկայի ֆեդերացիա» ՀԿ-ի կողմից հաստատված մրցավարական հանձնաժողովը:

III. ԺԱՄԿԵՏԸ ԵՎ ՎԱՅՐԸ

5. Մրցաշարը կանցկացվի Փարաքար-Էջմիածին մայրուղում՝ (ՀՀ Արմավիրի մարզ) 2024 թվականի հոկտեմբերի 12-ին:

6. Մեկնարկը՝ ՀՀ Արմավիրի մարզի Զվարթնոց պատմամշակութային արգելոց թանգարանի հարակից տարածքից (մեկնարկ դպրոցահասակ երեխաների համար)՝ ժամը 13:00-ին, իսկ 2-րդ, 3-րդ տարիքային խմբերը և գործող մարզիկների խումբը՝ Փարաքար գյուղի մերձակա տարածքից՝ ժամը 14:00-ին: Մասնակիցները պետք է մրցավայր ներկայանան մրցումներից երկու ժամ առաջ՝ անձը հաստատող փաստաթղթով:

IV. ՄՐՑԱՇԱՐԻ ՄԱՍՆԱԿԻՑՆԵՐԸ, ԾՐԱԳԻՐԸ, ԱՆՑԿԱՑՄԱՆ ՊԱՅՄԱՆՆԵՐԸ

7. Մրցաշարին կարող են մասնակցել Հայաստանի Հանրապետության բոլոր քաղաքացիները, ինչպես նաև օտարերկրյա քաղաքացիները (սիրողական մարզիկներ, դպրոցականներ, ուսանողներ, պետական և մասնավոր ոլորտի աշխատողներ, միջազգային կազմակերպությունների և դեսպանատների ներկայացուցիչներ, օտարերկրացի

գրուաշրջիկներ)՝ ովքեր չունեն առողջական խնդիրներ: Մրցաշարի ընթացքում առաջացած առողջական խնդիրների դեպքում պատասխանատվությունը կրում է մասնակիցը:

8. 1-ին տարիքային խմբում չեն կարող մասնակցել աթլետիկա մարզաձևով զբաղվող այն դպրոցականները, որոնք վերջին 3 տարիների ընթացքում մասնակցել են ՀՀ առաջնություններին կամ միջազգային մրցաշարերին: Վերոնշյալ դպրոցականները կարող են մասնակցել գործող մարզիկների խմբում:

9. Մրցաշարի գործող մարզիկների խմբում կարող են մասնակցել այն մարզիկները, որոնք զբաղվում են աթլետիկա մարզաձևով և վերջին 5 տարիների ընթացքում մասնակցել են աթլետիկայի ՀՀ առաջնություններին և միջազգային մրցաշարերին: Նույն պահանջը վերաբերվում է նաև օտարերկրյա աթլետ մարզիկներին:

10. Մրցաշարը կանցկացվի 3 տարիքային խմբերով՝ մեկ փուլով.

1) 1-ին տարիքային խումբ՝ (2007 - 2011 թթ. ծնված) դպրոցականներ (4 կմ) (աղջիկներ և տղաներ),

2) 2-րդ տարիքային խումբ՝ 18-ից 40 տարեկան (1984-2006 թթ. ծնված) կանայք և տղամարդիկ (10 կմ),

3) 3-րդ տարիքային խումբ՝ 41 և բարձր տարիքի (1983 թ. ծնված և բարձր) կանայք և տղամարդիկ (10 կմ),

4) գործող մարզիկների խումբ՝ տարիքային սահմանափակում չկա կանայք և տղամարդիկ (10 կմ),

5) պահանջվող պայմաններին չհամապատասխանող մասնակիցների մասնակցությունը առաջնությանը չի թույլատրվելու:

11. Մրցաշարի անցկացման կարգն ու պայմանները որոշում է «Հայաստանի աթլետիկայի ֆեդերացիա» ՀԿ-ի կողմից կազմավորված մրցավարական հանձնաժողովը:

12. Արդյունքներն ամփոփվում են մրցումների ավարտից անմիջապես հետո:

V. ՊԱՐԳԵՎԱՏՐՈՒՄԸ

13. Մրցաշարին 3 տարիքային և գործող մարզիկների խմբերում 1-ին, 2-րդ և 3-րդ տեղերը գրաված մասնակիցները (տղամարդիկ և կանայք) կպարգևատրվեն Նախարարության համապատասխան կարգի հավաստագրերով, գավաթներով, մեդալներով և 1-ից 10-րդ տեղեր գրաված մասնակիցները (Հայաստանի Հանրապետության և օտարերկրյա քաղաքացիները)՝ դրամական մրցանակներով:

14. Մրցաշարի բոլոր մասնակիցներին տրվում են հավաստագրեր:

VI. ԾԱԽՍԵՐԸ

15. Մրցաշարի անցկացման հետ կապված ծախսերը՝ կամավորներին՝ սնունդ, մարզաշապիկ, գլխարկ, մրցավարներին՝ սնունդ, մարզաշապիկ, գլխարկ, պարգևավճար, մրցանակակիրներին՝ գավաթներ, մեդալներ, հավաստագրեր, շնորհակալագրեր, մարզաշապիկներ, մասնակցության համարներ, դրամական մրցանակներ 1-ից 10-րդ տեղեր գրաված մասնակիցներին՝ 1-ին տեղ՝ 1.000.000 ՀՀ դրամ, 2-րդ տեղ՝ 500.000 ՀՀ դրամ, 3-

րդ տեղ՝ 300.000 ՀՀ դրամ, 4-րդ տեղ՝ 100.000 ՀՀ դրամ, 5-10-րդ տեղերը՝ 50.000-ական ՀՀ դրամ, իսկ ավագ տարիքի մասնակիցները՝ (կին, տղամարդ) 200.000-ական ՀՀ դրամ, (Հայաստանի Հանրապետության և օտարերկրյա քաղաքացիները) հարկերը, տուրքերը և պարտադիր վճարները չներառված, հուշանվերներ, ծաղկեփնջեր, տպագրական նյութեր, տարածքի ձևավորում, նկարահանման, ուղիղ եթերի ապահովում, շարժական բեմ և Լեդ Էկրանի ապահովում, տրանսպորտային ծառայություն, հաղորդավարների ծառայություն, դրոշների ձեռք բերում, գրենական պիտույքներ և մրցավարներին դրամական պարգև՝ ծախսերը կատարվում են ՀՀ պետական բյուջեից հատկացված միջոցների հաշվին:

16. Մասնակիցների գործուղման ծախսերը (գիշերակաց, սնունդ և ճանապարհաձախսը) հոգում է գործուղող կազմակերպությունը:

VII. ՀԱՅՏԵՐԸ

17. Մրցաշարին մասնակցության համար ներկայացվում է հայտ՝ համաձայն հավելված 2-ի (անձնագրի կամ նույնականացման վկայական և առողջության վերաբերյալ տեղեկանքի պատճեններ):

1-ին՝ դպրոցական տարիքային խմբի մասնակցության հայտերի հավաքագրումը իրականացվում է Հայաստանի Հանրապետության մարզպետարանների և Երևանի քաղաքապետարանի համապատասխան վարչությունների կողմից՝ մինչև 2024 թվականի հոկտեմբերի 1-ը ներառյալ:

2-րդ, 3-րդ խմբերի և գործող մարզիկների մասնակցության հայտերի հավաքագրումը իրականացվում է Հայաստանի Հանրապետության կրթության, գիտության, մշակույթի և սպորտի նախարարության (այսուհետ՝ Նախարարություն) սպորտի քաղաքականության վարչության կողմից (Նախարարության սպորտի քաղաքականության վարչություն ներկայացնել մինչև 2024 թվականի հոկտեմբերի 6-ը ներառյալ. էլ. հասցե՝ sergey.abrahamyan@escs.am):

Հարցերի դեպքում զանգահարել Նախարարության հետևյալ հեռախոսահամարներով՝ (010) 59-96-32, (010) 59-96-33:

Հավելված № 2
ՀՀ կրթության, գիտության, մշակույթի և սպորտի նախարարի
2024 թվականի փետրվարի 26 -ի
№ 271 -Ա/2 հրամանի

2024 ԹՎԱԿԱՆԻ ԱՆՑԿԱՑՎՈՂ «ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱՊԵՏԻ ԳԱՎԱԹ»
ԽՃՈՒՂԱՎԱԶՔԻ ՍԻՐՈՂԱԿԱՆ ՄՐՑԱՇԱՐԻ ՄԱՍՆԱԿՑՈՒԹՅԱՆ ՀԱՅՏԻ ՕՐԻՆԱԿԵԼԻ ՁԵՎ

№	Ազգանուն, անուն, հայրանուն	Ծննդյան թիվ	Անձնագիր, (սերիա, համար)	Բնակության վայր, հասցե	Հեռախոսի համար
1.					
2.					
3.					